



UNDANG-UNDANG MALAYSIA

Akta A1102

AKTA KUALITI ALAM SEKELILING (PINDAAN) 2001

Date of Royal Assent :

13hb Jun 2001

Publication :

28hb Jun 2001

Date of coming into operation :

28hb Jun 2001 bagi seksyen 2;

19hb Julai 2001 bagi seksyen-seksyen 3, 4, 5 dan 6

SUSUNAN SEKSYEN-SEKSYEN

[Mukadimah](#)

Seksyen 1. [Tajuk ringkas dan permulaan kuat kuasa](#)

Seksyen 2. [Pindaan seksyen 2](#)

Seksyen 3. [Pindaan seksyen 21](#)

Seksyen 4. [Pindaan seksyen 29A](#)

Seksyen 5. [Seksyen baru 29AA](#)

Seksyen 6. [Kesahan](#)

Mukadimah

Suatu Akta untuk meminda Akta Kualiti Alam Sekeliling 1974.

[]

DIPERBUAT oleh Parlimen Malaysia seperti yang berikut:

Seksyen 1. Tajuk ringkas dan permulaan kuat kuasa

(1) Akta ini bolehlah dinamakan Akta Kualiti Alam Sekeliling (Pindaan) 2001.

(2) Akta ini, kecuali seksyen 2, hendaklah mula berkuat kuasa pada tarikh yang ditetapkan oleh Menteri melalui pemberitahuan dalam *Warta*.

(3) Seksyen 2 hendaklah mula berkuat kuasa pada tarikh penyiaran Akta ini dalam *Warta*.

Seksyen 2. Pindaan seksyen 2

Akta Kualiti Alam Sekeliling 1974 [*Akta 127*], yang disebut “Akta ibu” dalam Akta ini, dipinda dalam seksyen 2 dengan memasukkan selepas takrif “pesawat udara” takrif yang berikut:

“pihak berkuasa tempatan” termasuklah mana-mana orang atau kumpulan orang yang dilantik di bawah mana-mana undang-undang bertulis untuk menjalankan dan melaksanakan kuasa dan kewajipan yang diberikan kepada atau dikenakan ke atas pihak berkuasa tempatan di bawah mana-mana undang-undang bertulis;”.

Seksyen 3. Pindaan seksyen 21

Seksyen 21 Akta ibu dipinda dengan menggantikan perkataan “boleh menentukan” dengan perkataan

“boleh melalui peraturan-peraturan menentukan”.

Seksyen 4. Pindaan seksyen 29A

Subseksyen 29A(3) Akta ibu dipinda dalam takrif “pembakaran terbuka” dengan menggantikan koma yang terdapat selepas perkataan “cerobong” dengan koma bernoktah dan memotong semua perkataan yang terdapat selepas koma bernoktah yang baru itu.

Seksyen 5. Seksyen baru 29AA

Akta ibu dipinda dengan memasukkan selepas seksyen 29A seksyen yang berikut:

‘Tidak termasuk sebagai “pembakaran terbuka”.

29AA. (1) Menteri boleh melalui perintah yang disiarkan dalam *Warta* mengisytiharkan bahawa apa-apa kebakaran, pembakaran atau pembaraan bagi maksud apa-apa aktiviti yang ditentukan dalam perintah itu bukan pembakaran terbuka sebagaimana yang ditakrifkan dalam dan bagi maksud seksyen 29A selagi aktiviti itu dijalankan mengikut atau di bawah syarat-syarat yang dinyatakan dalam perintah itu dan tidak di dalam tempat atau kawasan yang ditentukan dalam perintah itu.

(2) Walaupun apa-apa kebakaran, pembakaran atau pembaraan tidak termasuk dalam takrif pembakaran terbuka di bawah subseksyen (1) atau bahawa ia adalah bagi maksud apa-apa aktiviti yang ditentukan dalam perintah yang dibuat di bawah subseksyen (1), tiada seorang pun boleh membenarkan atau menyebabkan kebakaran, pembakaran atau pembaraan itu berlaku di dalam mana-mana kawasan jika Ketua Pengarah memberitahu, dengan apa-apa cara dan mengikut apa-apa kaedah yang difikirkannya suaimanfaat,—

(a) bahawa kualiti udara di dalam kawasan itu telah mencapai tahap yang tidak sihat; dan

(b) bahawa kebakaran, pembakaran atau pembaraan bagi maksud apa-apa aktiviti selain aktiviti yang ditentukan dalam pemberitahuan itu akan membahayakan alam sekeliling.

(3) Sebagai tambahan kepada hal keadaan yang disebut dalam subseksyen (2), Menteri boleh melalui perintah yang disiarkan dalam *Warta* menentukan hal keadaan yang tiada seorang pun boleh menyebabkan apa-apa kebakaran, pembakaran atau pembaraan bagi maksud apa-apa aktiviti yang ditentukan dalam perintah itu berlaku walaupun kebakaran, pembakaran atau pembaraan itu tidak termasuk dalam takrif pembakaran terbuka di bawah subseksyen (1) atau bahawa ia bagi maksud apa-apa aktiviti yang ditentukan dalam perintah yang dibuat di bawah subseksyen (1).’.


Seksyen 6. Kesahan

Bagi mengelakkan keraguan, adalah dengan ini diisytiharkan bahawa semua perundangan subsidiari yang dibuat di bawah seksyen 51 Akta ibu sebelum Akta ini mula berkuat kuasa yang menentukan syarat-syarat yang boleh diterima bagi pengeluaran, pelepasan atau peletakan benda berbahaya kepada alam sekeliling, pencemar atau buangan-buangan atau pengeluaran bunyi bising ke dalam mana-mana kawasan, segmen atau unsur alam sekeliling bagi maksud seksyen 21 Akta ibu telah dibuat dengan sah

bagi maksud seksyen 21 Akta ibu sebelum seksyen 21 dipinda oleh Akta ini.

Copyrights Reserved ☐

All rights reserved. No part of this publication may be reproduced, stored in retrieval system or transmitted in any form or by any means electronic, mechanical, photocopying, recording and/or otherwise without the prior permission of Law net.



PRODUCED BY

LAWNET

PERCETAKAN NASIONAL MALAYSIA BERHAD